

Broj: 02-45-1769/25
Sarajevo, 26.05.2025.godine

Parlament Federacije Bosne i Hercegovine
Dom naroda
n/r tajnika

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 12-06-2025			
Org. jed.	Broj	Priloga	Vrijednost
05/2	- 02 -	219 233	/25

PREDMET: Odgovor na delegatsko pitanje, dostavlja se
VEZA: Vaš akt, broj: 05/2-02-219; 233/25 od 25.04.2025. godine

Povodom delegatskih pitanja delegatkinje Sandre Imširović, koje je ponovo postavila na 18. Sjednici Doma naroda Parlamenta Federacije Bosne i Hercegovine, održanoj 22.04.2025. godine, Federalno ministarstvo pravde podsjeća da je aktom broj 02-45-474/25 od 02.04.2025. godine dostavilo odgovore delegatkinji Sandri Imširović na pitanja koja je postavila na 15. sjednici Doma naroda Parlamenta Federacije BiH održanoj 30.01.2025. godine, a koja se odnose na formu bračnog ugovora i formu ugovora o nasljeđivanju.

Delegatkinja je nezadovoljna dostavljenim odgovorima, smatra da odgovori nisu točni i potpuni i traži ponovo da joj se odgovori na pitanja "koja je forma ovih ugovora od 2010. godine", pri tome se pozivajući na Presudu Ustavnog suda Federacije BiH, broj: U-15/10.

U odnosu na pitanje delegatkinje koje se odnosi na formu bračnog ugovora i formu ugovora o nasljeđivanju od 2010. godine, Federalno ministarstvo pravde daje sljedeći odgovor:

Do stupanja na snagu Odluke Ustavnog suda Federacije BiH, broj U-15/10 od 02.12.2015. godine, koja je objavljena 20.04.2016. godine u Službenim novinama Federacije BiH, kada je i stupila na snagu, za bračne ugovore i ugovore o nasljeđivanju je bila obvezna forma notarski obrađene isprave.

S obzirom da je odluka Ustavnog suda Federacije BiH broj: U-15/10 imala implikacije na odredbe drugih lex specialis zakona koji propisuju obveznu notarsku obradu isprava, a koji nisu navedeni u izreci presude Ustavnog suda Federacije BiH, broj: U-15/10, Ustavni sud Federacije BiH je donio novu presudu, broj: U-22/16 od 06.03.2019. godine, koja je stupila na snagu 16.11.2019. godine, a kojom je precizno u izreci presude utvrđeno da odredbe pojedinih zakona koji propisuju obveznu notarsku obradu isprava pravnih poslova, uključujući i Obiteljski zakon Federacije BiH i Zakon o nasljeđivanju u Federaciji BiH, nisu u skladu sa Ustavom Federacije BiH.

Federalno ministarstvo pravde ponovo napominje da je u cilju implementacije Odluka Ustavnog suda Federacije BiH pripremio novi integralni tekst Prijedloga zakona o notarskoj službi u Federaciji BiH, kojim je predviđeno da ugovor o nasljeđivanju mora

biti sačinjen u skladu sa zakonom kojim je uređena notarska služba u Federaciji BiH, što podrazumijeva ili ovjeru potpisa pod određenim uvjetima ili solemnizaciju – potvrđivanje privatne isprave ili notarsku obradu.

Također, potrebno je imati u vidu i činjenicu da je Vrhovni sud Federacije BiH 08.12.2022. godine na sjednici Građanskog odjeljenja donio odluku, broj: 70 O Dn 009610 22 Spp, kojom se usvaja zahtjev Općinskog suda u Sarajevu za rješavanje spornog pravnog pitanja.

Građansko odjeljenje Vrhovnog suda Federacije BiH izražava pravno shvaćanje koje glasi: "Potpisi ugovarača na ugovorima o prijenosu prava na nekretninama moraju biti ovjereni bilo od strane notara, bilo od strane suda, kao uvjet punovažnosti za upis u zemljišne knjige".

Navedeno pravno shvaćanje je na snazi i primjenjuje se na način da su općinski sudovi u Federaciji BiH otvorili knjigu ovjere potpisa.

Sukladno naprijed navedenom, Federalno ministarstvo pravde smatra da do donošenja novog zakona kojim je uređena notarska služba u Federaciji BiH, kada je u pitanju forma bračnog ugovora i ugovora o nasljeđivanju, treba prihvatiti naprijed navedeno pravno shvaćanje Vrhovnog suda Federacije BiH.

S poštovanjem,



Dostaviti:
-Naslovu
a/a